

Vorrede.

gleichen nutzlichen lieblichen/ ja mehr als lieblichen Künsten
zuspeculiren / vñ damit die zeit zuvertreiben/ vrsach vnd an-
laß zugebē/ an den Tag kōmen lassen wollen. Demnach aber/
leyder/ mehr als zuviel am Tag/ welcher massen diese Künste/
mehrertheils von dem gemeynen Mann/ ja auch wol vnder-
weilen von den Gelehrten selbst/ nicht geachtet/ vñnd dero-
wegen/ wo sie nicht gantzlich in abgang kōnnen sollen/ von
Potentaten/ Fürsten vñnd Herrn geschützt / befördert vñnd
gehandhabt werden müssen: Vnd dann ganzer Welt kund
vnd offenbar/ daß/ gleich wie der Durchleuchtiger vñ Hoche-
geborner Fürst vñnd Herr / Herr Wilhelm / Landtgraff zu
Hessen/ 2c. K. S. G. Herr Großvatter / hochlöblichster Ges-
dechniß/ in eben diesen vnd anderen dergleichen Künsten ei-
ne merckliche wissenschaft gehabt / auch darinē sich nicht
wenig geübet vnd belustiget: Also vnd ebenmessig/ der auch
Durchleuchtiger vnd Hochgeborner Fürst vñnd Herr/ Herr
Mauritz / Landtgraff zu Hessen / 2c. K. S. G. Herr Vatter/
mein gnedigster Fürst vñnd Herr/ wie in allen anderen/ also
auch in diesen Mathematischen Künsten/ sehr weit vnd hoch
erfahren/ vnd einen mercklichen lusten zu denselbigen vñnd
dero liebhaber treget/ inmassen dann J. S. G. demnach diesel-
bige in vergangener Ostermess allhier zu Franckfurt/ bey
besichtigung des Carmeliter Closters/ ohngefehr inn mein/
darinn habendes Losament gekommen / meine geringfügig-
gearbeit / so viel ich deren dero zeit bey handen gehabt / sich
in gnaden gefallen lassen: Dannenhero ich mir gantzlich die
gedancken mache/ es werden K. S. G. beneben anderen/ ohne
zweiffel auch zu eben denselbigen Künsten ein lusten tragen/
vnd vnderweilen damit die zeit vertreiben. Als bin ich ver-
vrsachet worden / derselbigen diß mein erstes in Truck ver-
fertigtes